

藏

要

法
藏

要

歐陽竟無編

藏要 二

上海書店

第二冊 目錄

大般涅槃經迦葉品校勘說明	卷三十三至三十八	一九
解深密經品目	校勘說明	一九
序品第一	卷一至五	
心意識相品第三		
無自性相品第五		
地波羅蜜多品第七		
大菩薩藏經般若波羅蜜品校勘說明		
勝鬘經校勘說明		
勝義諦相品第二		
一切法相品第四		
分別瑜伽品第六		
如來成所作事品第八		
卷十六至十九		
二九一		

目錄

2776/06

無量壽會校勘說明……………正文
三二五

卷十七至十八

妙法蓮華經校勘說明……………
三五七

卷一至七

雜阿含經緣起誦校勘說明……………
六〇五

卷十一至十二、附錄

菩薩戒本羯磨校勘說明……………
七〇七

正文

十誦比丘戒校勘說明……………
七四一

正文

附錄

要用

善見律毘婆沙序品校勘說明……………
八二七

卷一至三

律藏

校勘說明

卷一至四

觀因緣品第一

觀六情品第三

觀六種品第五

觀三相品第七

觀本住品第九

觀本際品第十一

觀行品第十三

觀有無品第十五

觀業品第十七

觀時品第十九

觀成壞品第二十一

觀顛倒品第二十三

觀去來品第二

觀五陰品第四

觀染染者品第六

觀作作者品第八

觀然可然品第十

觀苦品第十二

觀合品第十四

觀縛解品第十六

觀法品第十八

觀因果品第二十

觀如來品第二十二

觀四諦品第二十四

目錄

觀涅槃品第二十五
觀邪見品第二十七

觀十二因緣品第二十六

大般涅槃經迦葉品

大般涅槃經迦葉品校勘說明

一、是書無異譯對勘，但有刻校。

二、刻校用南宋刻爲底本，另以三本對勘：（一）日本宮內省圖書寮藏東禪寺本，校註略稱北宋刻；（二）日本增上寺藏高麗再雕本，略稱麗刻；（三）西藏重譯大般涅槃經所據舊宋本，略稱藏本。

三、刻校凡有二例：（一）以北宋刻麗刻對勘底本，改訂文字，附註曰：原刻云云，依某刻云云；（二）諸本對勘有疑義時，則就正藏本，附註曰：依藏本及某刻云云。

四、校勘資料出處如次。

（一）本書南北宋刻及麗刻，悉依日本弘教書院縮刷正藏本及大正大藏經本之校註。

（二）西藏重譯大般涅槃經，*hphags-pa yoin-su mya-nan-las hdus-pa chen-pohi mdo*，卷四十三至五十一，迦葉問品，奈旦版甘珠，涅槃部 *kha* 字函，二八五頁下。

至四一八頁下。

(一) 原刻不於此分卷。今依藏本題改又藏本題云迦葉菩薩品第十二。(二) 以下藏本卷四十三後半。(三) 原刻作斯。今依藏本改。

大般涅槃經卷第三十三

北涼天竺三藏曇無讖奉詔譯

迦葉菩薩品第十二之一

迦葉菩薩白佛言。世尊如來憐愍一切衆生。不調能調。不淨能淨。無歸依者能作歸依。未解脫者能令解脫。得入自在爲大醫師。作大藥王。善星比丘是佛菩薩時子出家之後。受持讀誦。分別解說。十二部經。壞欲界結。獲得四禪。云何如來記說善星是一闍提。廝下之人。地獄劫住。不可治人。如來何故不先爲其演說正法。後爲菩薩。如來世尊若不能救善星比丘。云何得名有大慈悲。有方便。佛言。善男子。譬如父母唯有三子。其一子者。有信順心。恭敬父母。利根智慧。於世間事能速了知。其第二子。不敬父母。無信順心。利根智慧。於世間事能速了知。其第三子。不敬父母。無有信心。鈍根無智。父母若欲教告之時。應先教誰。先親愛誰。當先教誰。知世間事。迦葉菩薩白佛言。世尊。應先教授有信順心。恭敬父母。利根智慧。知世事者。其次第二。後及第三。而彼二子。雖無信順。

恭敬之心爲愍念故次復教之。善男子如來亦爾。其三子者初喻菩薩中喻聲聞後喻一闍提。如十二部經修多羅中微細之義我先已爲諸菩薩說。淺近之義爲聲聞說。世間之義爲一闍提五逆罪說。現在世中雖無利益以憐愍故爲生後世諸善種子。善男子如三種田。一者渠流便易無諸沙澗瓦石棘刺種一得百。二者雖無沙澗瓦石棘刺渠流險難收實減半。三者渠流險難多諸沙澗瓦石棘刺種一得一爲藁草故。善男子農夫春月先種何田。世尊先種初田。次第二田。後及第三。初喻菩薩。次喻聲聞。後喻一闍提。善男子譬如三器。一者完。二者漏。三者破。若欲盛置乳酪水酥先用何者。世尊應用完者。次用漏者。後及破者。其完淨者喻菩薩僧。漏喻聲聞。破喻一闍提。善男子如三病人俱至醫所。一者易治。二者難治。三者不可治。善男子醫若治者當先治誰。世尊應先治易。次及第二。後及第三。何以故爲親屬故。其易治者喻菩薩僧。其難治者喻聲聞僧。不可治者喻一闍提。現在世中雖無善果以憐愍故爲種後世諸善種子故。善男子譬如大王有三種馬。一者調壯大力。二者不調齒壯大力。三者不調羸老無力。王若乘

(一) 原刻次二字互倒。今依北宋刻本刪改。

者當先乘誰。世尊應先乘用調壯大力。次乘第二。後及第三。善男子。謂壯大力。喻菩薩僧。其第二者。喻聲聞僧。其第三者。喻一闍提。現在世中。雖無利益。以憐愍故。爲種後世。諸善種子。善男子。如大施時。有三人來。一者貴族聰明持戒。二者中姓鈍根持戒。三者下姓鈍根毀戒。善男子。是大施主。應先施誰。世尊應先施於貴姓之子。利根持戒。次及第二。後及第三。其第一者。喻菩薩僧。其第二者。喻聲聞僧。其第三者。喻一闍提。善男子。如大師子殺香象時。皆盡其力。殺兔亦爾。不生輕想。諸佛如來亦復如是。爲諸菩薩及一闍提。演說法時。功用無二。善男子。我於一時。住王舍城善星比丘。爲我給使。我於初夜。爲天帝釋演說法要。弟子法應後師眠臥。爾時善星以我久坐。心生惡念。時王舍城小男小女若啼不止。父母則語汝。若不止。當將汝付薄拘羅鬼。爾時善星反被拘執。而語我言。速入禪室。薄拘羅來。我言癡人。汝常不聞如來世尊無所畏耶。爾時帝釋卽語我言。世尊如是人等。亦復得入佛法中耶。我卽語言。憍尸迦。如是人者。得入佛法。亦有佛性。當得阿耨多羅三藐三菩提。我雖爲是善星說法。而彼都無信受之心。善男子。我

於一時在迦尸國尸婆富羅城善星比丘爲我給使。我時欲入彼城乞食無量衆生虛心渴仰欲見我迹。善星比丘尋從我後欲毀滅之。既不能滅而令衆生生不善心。我入城已於酒家舍見一尼乾躑_三耆蹲地餐食酒糟。善星比丘見已而言世尊世間若有阿羅漢者是人最勝。何以故是人所說無因無果。我言癡人汝常不聞阿羅漢者不飲酒不害人不欺誑不偷盜不婬佚。是人殺害父母食噉酒糟云何而言是阿羅漢。是人捨身必定當墮阿鼻地獄。阿羅漢者永斷三惡云何而言是阿羅漢。善星卽言四大之性猶可轉易欲令其人必墮阿鼻無有是處。我言癡人汝常不聞諸佛如來誠言無二。我雖爲是善星說法而彼絕無信受之心。善男子我於一時與善星比丘住王舍城。爾時城中有一尼乾名曰苦得。常作是言衆生煩惱無因無緣衆生解脫亦無因緣。善星比丘復作是言世尊世間若有阿羅漢者苦得爲上。我言癡人苦得尼乾實非羅漢不能解了阿羅漢道。善星復言何故羅漢於阿羅漢而生妬嫉。我言癡人我於羅漢不生嫉妬而汝自生惡邪見耳。若言苦得是羅漢者卻後七日當患宿食腹痛而死死已生於

食吐鬼中其同學輩當昇其屍置寒林中。爾時善星卽往苦得尼乾子所語言長老汝今知不沙門瞿曇記汝七日當患宿食腹痛而死。死已生於食吐鬼中。同學同師當昇汝屍置寒林中。長老好善思惟作諸方便當令瞿曇墮妄語中。爾時苦得聞是語已卽便斷食。從初一日乃至六日。滿七日已便食黑蜜。食黑蜜已復飲冷水。飲冷水已腹痛而終。終已同學昇其屍置寒林中。卽受食吐餓鬼之形。在其屍邊。善星比丘聞是事已至寒林中見苦得身受食吐鬼形在其屍邊。踰脊蹲地。善星語言大德死耶苦得答言我已死矣。云何死耶。答言因腹痛死。誰出汝屍。答言同學。出置何處。答言癡人汝今不識是寒林耶。得何等身。答言我得食吐鬼身。善星諦聽如來善語真語時語義語法語。善星如來口出如是實語。汝於爾時云何不信。若有衆生不信如來真實語者。彼亦當受如我此身。爾時善星卽還我所作如是言。世尊苦得尼乾命終之後生三十三天。我言癡人阿羅漢者無有生處。云何而言苦得生於三十三天。世尊實如所言。苦得尼乾實不生於三十三天。今受食吐餓鬼之身。我言癡人諸佛如來誠言無二。若言如來

有二言者無有是處。善星卽言如來爾時雖作是說我於是事都不生信。善男子我亦常爲善星比丘說真實法而彼絕無信受之心。善男子善星比丘雖復讀誦十二部經獲得四禪乃至不解一偈一句一字之義親近惡友退失四禪。退四禪已生惡邪見作如是說無佛無法無有涅槃沙門瞿曇善知相法是故能得知他人心。我於爾時告善星言我所說法初中後善其言巧妙字義真正所說無雜具足成就清淨梵行。善星比丘復作是言如來雖復爲我說法而我真實謂無因果。善男子汝若不信如是事者善星比丘今者在尼連禪河可共往問。爾時如來卽與迦葉往善星所。善星比丘遙見如來見已卽生惡邪之心以惡心故生身陷入阿鼻地獄。善男子善星比丘雖入佛法無量寶聚空無所獲乃至不得一法之利以放逸故惡知識故。譬如有人雖入大海多見衆寶而無所得以放逸故。又如入海雖見寶聚自戮而死或爲羅刹惡鬼所殺。善星比丘亦復如是入佛法已爲惡知識羅刹大鬼之所殺害。善男子是故如來以憐愍故常說善星多諸放逸。善男子若本貧窮於是人所雖生憐愍其心則薄若本巨富後失

財物於是人所生於憐愍其心則厚。善星比丘亦復如是受持讀誦十二部經。獲得四禪。然後退失甚可憐愍。是故我說善星比丘多諸放逸。多放逸故斷諸善根。我諸弟子有見聞者。於是人所無不生於重憐愍心。如初巨富後失財者。我於多年常與善星共相隨逐。而彼自生惡邪之心。以惡邪故不捨惡見。善男子。我從昔來見是善星。有少善根如毛髮許。終不記彼斷絕善根。是一闍提廝下之人。地獄劫住。以其宣說無因無果。無有作業。爾乃記彼永斷善根。是一闍提廝下之人。地獄劫住。善男子。譬如有人沒圖廁中有善知識。以手托之。若得首髮。便欲拔出。久求不得。爾乃息意。我亦如是。求覓善星。微少善根。便欲拔濟。終日求之。乃至不得。如毛髮許。是故不得拔其地獄。迦葉菩薩言。世尊。如來何故記彼當墮阿鼻地獄。善男子。善星比丘多有眷屬。皆謂善星是阿羅漢。是得道果。我欲壞彼惡邪心。故記彼善星以放逸故墮於地獄。善男子。汝今當知。如來所說真實無二。何以故。若佛所記當墮地獄。若不到者。無有是處。聲聞緣覺所記別者。則有二種。或虛或實。如目捷連在摩伽陀國。徧告諸人。卻後七日。天當發雨。時竟不